



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU

Sa pedra de imbùrchinu inarregordu de Pietro Meloni

Oi Sestu at incingiau sa pedra de imbùrchinu (de su tedescu Stolpersteine) in arregordu de Pietro Meloni, partigianu sestesu mortu in unu campu de cuncentramentu in su 1945.

Pietro Meloni iat cumbàtiu in s'urtimu annu de sa Gherra Manna, arruolau cun s'urtima classi de leva, is picocus famaus de su '99. A pustis de sa Primu Gherra Mundiali fiat intrau in sa Guardia di Finanza innui iat sunfrii una ferta in servìtziu e po mori de custu dd'iant dispaciau donendiddi una pensioni pitica chi non ddi bastaiat po bivi; duncas fiat partiu in Frància po circai sorti mellus.

Ingunis in su 1925 iat connòsciu sa veronesa Rosa Tosoni, chi at cojau, e fiat intrau in su Partidu Comunista, agiudendi fintzas a sa Resistèntzia francesa. Po nexi de s'ocupazioni tedesca de sa Frància si ndi fiant andaus in Itàlia, in sa citadi de Verona, innui issu iat agatau traballu che a speditzioneri de sa Mondadori e in s'interis fiat intrau in su Comitau federali clandestinu de su PCI.

A pustis de una pariga de annus chi iant bìviu casi in assèliu, cun s'armistitziu is duus sposus iant inghitzau a traballai po agiudai sa resistèntzia po sa liberazioni de sa provìntzia de Verona. In su mesi de Ladàmini de su 1944 ddis iant scubertus e portaus in su palatzu INA de Verona innui iant sunfrii is turmentus de sa tortura. A pustis ddis iant trasladaus in su campu de Gries, acanta de Bolzanu. Unu mesi prus a trigadiu a Pietro dd'iant portau in su campu de Gusen (Mauthausen), innui est mortu faci de su mesi de martzu de su 1945.



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



SU
BILINGUISMU



Progetto Finanziato con i contributi della Regione Autonoma della Sardegna e del Ministero della Pubblica Istruzione



Ministero della Pubblica Istruzione